



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Sanctorum Joachim Et Annæ Geneseos, Vitæ,  
Transitus Et Connexorvm**

**Polius, Jacobus**

**Heripoli, 1652**

3. Ob quas personas hæc genesis adornata sit?

**urn:nbn:de:hbz:466:1-43946**

landus quoque S. Spiritus unus cum Patre & Filiō individuus Deus, qui à Sanctis Joachim & Annâ, sterilitatis removit obstaculum, intemeratæ filiæ virginis uterum suo complens spiramine, usus potestate Creatoris, benedictum fructum JESUM super sedem David posuit. Tu demum Regina Cælorum, materque JESU & virgo sacra-ta dignare me laudare te, atque isto in ordine eundem spiritum sanctum, qui pectusculum tuum superveniens, sacro sanctæ Trinitati conse-cravit, pro nobis exora, ut mentem nostram col-lustret in hoc argomento, omniaque parentibus tuis digna commonstret, quo eorum laus in te resultet integrior.

2. Alii, inquit S. Hieronymus, offerunt in templo Domini aurum, argentum, pelleſ hya-cintinas: alii piles caprarum & falsa molâ litant, ut in proverbio est, qui thura non habent; atque interim non tam qui potum vini aut aquæ liquo-rem admotâ operâ calefactæ, quam etiam ipsa veritate attestante, <sup>d</sup> qui calicem aquæ frigidæ Christi discipulo offert, mercede donabitur. Per placuerunt quoque pauperculæ viduæ æra mi-nuta duo: is itaque cæptis aspirabit, cuius causa præsens quantulacunque opella adornatur.

<sup>d</sup> Matth. 10.

Ob quas personas hæc genesis  
adornata sit §.3.

**E**gregimini filia Sion & videre Regem Salomo-nem in diademate, quo coronavit cum mater

B 4 sua.<sup>2</sup>

sua.<sup>a</sup> Verus noster Salomon & Rex pacificus in summitate arboris genealogicæ constituitur. Infra ipsum constituuntur virgo Mater Maria & parentes ejus. Joachim & Anna parentum erant nomina<sup>b</sup> de quorum progenitoribus cagamus in tempore. Liquet quod Pater in generatione pars sit potior. Accedit vetustus hymnus: *Lucis hujus festa de S. Anna versum hunc exhibens: Ex hac carnis plantâ surgit virgo sancta, ex hoc fluida fonte lapis cæsus monte.* Jodocus Chlichtoveus Parisii SS. Theol. Doctor & Professor in Elucidario Ecclesiastico anno 1515. condito memorati versus explanationem dilucidam reddit hujusmodi: *Quoniam ex B. Annanata est Deipara virgo Maria, & ex hac natus est Dominus noster Iesus Christus: Consequens est ipsum & ex S. Anna sumpsisse originem secundum carnem, quod hic etiam versus recte astruit.* O igitur animæ electæ jam nunc egredimini, & videte Regem Salomonem. Obstupecant cæli, & terra lætetur, ob miraculum omnium miraculorum: Filius Dei Christus Jesus in cælis habet Patrem, matrem in terra. Ad quæ respicit S. Bernardus dicens: <sup>c</sup> *Calum expatre, Nazareth ex matre vendicat sibi.*

2. Domus à vestibulo censi solet<sup>e</sup>, & nostra arbor genealogica primo contuitu oculos animæ intellectuales pascit, recreat, & mirifice inflamat. In eâ insigniter elucet, quod non sint viæ

<sup>a</sup> Cant. 3. <sup>b</sup> Nicephorus lib. 1. c. 7. <sup>c</sup> infra §. 7. <sup>d</sup> Bern. scdm. 3. de Annuntiat. <sup>e</sup> Ambros lib. 2. de virg.

viae Dei, sicut viae hominum. Mortalibus solemne est, dum oculis corporeis objiciendam efformant arborem genealogicam quantumvis viridem, floridā & omnigenis comptulam pigmentis, quod tamen sive in arboris cacumine, sive in ramis collateralibus, dum exspirat ulterior carnalis propagatio, arboris extremitates hujusmodi tristiori spectaculo pingantur aridae, juxta illud: f Generatio advenit, generatio praterit. Arbor autem nostralongè aliter designata conspicitur, admirando Spiritus sancti confilio dicentis: g Exurget virga de radice Jesse, & flos de radice ejus ascendet. Cacumen itaque Jesseæ arboris, non in trunko arido, sed in flore Iesu Nazareno terminatur. Nazarenus idem est quod floridus. Sed forte ex cacumine viridanti & flore exigis propaginem? Contemplare filias Sion animas electorum, cui non ex sanguinibus, neque ex voluntate carnis, sed ex Deo nati sunt. Genealogia itaque praesens terminatur in Iesu filio Mariæ, cuius parentes fuerunt Joachim & Anna, quam rem terrigenis, cælitibusque mirandam Jodocus Beiselius Patricius Aquensis in suo de S. ANNA Rosario sic decantat:

*Anna tuum tecuit tanta exspectatio partum,  
Hanc facile est matrem matris habere Dei.*

*Anna tua sobolis landes super astra volabunt,  
Te quoque felicem secula cuncta ferent.*

f Eccli. i. c.

g Esaie ii. c.

B. S.

ELE.